

RF - Mikrofin d.o.o.

Zemlja:	BOSNA I HERCEGOVINA
Broj projekta:	52124
Poslovni sektor:	Finansijske institucije
Vrsta obavijesti:	PRIVATNA
Okolišna kategorija:	FI
Ciljani datum odobravanja:	12. maja 2020.
Status:	Završen
Datum objave PSD-a na engleskom jeziku:	19. maja 2020.

Opis projekta

Ovaj projekt odobren je kao dio odgovora Banke na pandemiju Covida-19. Kako ne bi došlo do kašnjenja u isporuci ovog projekta, predsjednik Banke odobrio je odstupanje od uobičajenih rokova za objavljivanje PSD-a, kako je predviđeno Odlomkom V Direktive o pristupu informacijama. Pojediniosti o odgovoru Banke na Covid-19 i ovo odstupanje mogu se pronaći na našoj web stranici.

Davanje zajma bez instrumenta osiguranja u iznosu do 5 miliona eura u sklopu Okvira Otpornosti u korist Mikrofin d.o.o. Banja Luka ("Kompanija"), društvo sa ograničenom odgovornošću osnovano u Bosni i Hercegovini. Zajam je podijeljen u dvije jednake tranše, od po 2,5 miliona eura svaka, pri čemu je tranša 2 neaktivirana.

Ciljevi projekta

Sredstva investicije Banke će biti upotrijebljena za davanje pod zajmova prihvatljivim zajmoprimcima koji ispunjavaju uslove u skladu sa Izjavom o politici.

Tranzicijski uticaj

ETI 70

Projekt će pridonijeti osiguranju otpornosti i očuvanju konkurencije u finansijskom sektoru u ekonomiji BiH.

Primarna kvaliteta - Otpornost: Projekt će pomoći Mikrofinu da ostane aktivan i učinkovit tržišni igrač uslijed pandemije Covid-19.

Sekundarna kvaliteta - Konkurentnost: Projekt će omogućiti Mikrofinu da nastavi komercijalno kreditiranje u skladu s usporedivim sudionicima mikro finansijskog sektora.

Podaci o klijentu

MIKROFIN DOO

Mikrofin je najveća mikro finansijska institucija u BiH po ukupnoj aktivni sa bilansom od 137 miliona eura i tržišnim udjelom od 26%. Mikrofin ima 80 poslovnica širom BiH. U stopostotnom je vlasništvu Udruženja građana „Mikrofin”.

EBRD Finansiranje

EUR 5,000,000.00

Ukupni troškovi projekta

EUR 5,000,000.00

Okolišni i socijalni sažetak

Kategorija FI (ESP 2019). Mikrofin je postojeći klijent i dosadašnji učinak za postojeće izloženosti je bio zadovoljavajući. Od Mikrofin se traži da se nastavi pridržavati PR-ova 2, 4 i 9, da implementira EBRD-ove E&S procedure upravljanja rizicima za korporacije, mala i srednja preduzeća i mikro kredite, uključujući pridržavanje EBRD E&S Liste isključenja, te da osigura da odgovarajuće osoblje za upravljanje kreditima i rizicima završi on-line E&S *E-learning* obuku Banke za FI i podnosi godišnje E&S izvještaje Banci. Od pod-zajmoprimaca koji se finansiraju iz Mikrofinovog zajma će se tražiti da se pridržavaju nacionalnih zahtjeva za okoliš, zdravlje, sigurnost na radu (EHSL).

Tehnička saradnja

N/a

Sažetak implementacije

Projekat je Mikrofinu obezbijedio potrebnu likvidnost i omogućio kompaniji da ostane otporna i konkurentna usred krize. Projekat je pomogao kontinuiranom funkcionisanju bh. privrede pomažući MMSP-ima koja ispunjavaju uslove da se suoče sa izazovima koje je izazvala trenutna kriza. To je postignuto obezbjeđivanjem potrebne likvidnosti za podršku preduzećima koja pate od direktnih i indirektnih ekonomskih uticaja pandemije COVID-19. Dostupnost kratkoročnog finansiranja tokom COVID-19 krize, podržala je napore Mikrofin da nastavi s finansiranjem bh. ekonomije. Mikrofin je dugogodišnji partner Banke sa dokazanim iskustvom, snažnom orijentacijom na segment MMSP i adekvatnom stručnošću koja joj je omogućila da efikasno dođe do MMSP i pruži hitnu podršku za likvidnost. Predloženi zajam EBRD-a bio je dopunjen mjerama odgovora na krizu koje je uveo Garantni fond Republike Srpske kroz Garantni program COVID 19 i pružio je neophodnu podršku

Mikrofinu u njihovom odgovoru na potrebe klijenata. Sredstva su također osigurana u koordinaciji sa EFSE-om, što je dodatno povećalo sposobnost Mikrofinu da kreditira MMSP.

Dodana vrijednost

Odgovor na krizu uzrokovanu Covidom-19 omogućit će Mikrofinu da odgovori na potrebe likvidnosti svojih mikro i malih klijenata koji su iskusili smanjenje aktivnosti, prometa i profitabilnosti što dovodi do kašnjenja plaćanja i problema likvidnosti za cijelu ekonomiju.

Kontakt podaci kompanije

Braco Erceg

berceg@mikrofin.com

+387 51 230 343

+387 51 234 210

www.mikrofin.com

MKD Mikrofin Vase Pelagica 22

78000 Banja Luka

Bosnia and Herzegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnosioca zahtjeva može, na njegov zahtjev, ostati zaštićen.